



Siverth K. Heilmann

UKA 2022/65-1

Atassut

04. Oktober 2022

Nunatta Kangiani aalisakkerivinnut tulaassisussaaitaanermik piunasaqaateqalersitsisinnaneq Naalakkersuisut misissueqqullugit peqquneqarnissaannik inatsisartut aalajangiiffigisas-saattut siunnersuut. Nalunaarusiaq Inatsisartunut UKA 2023 nallertinnagu inatsisartunut agguaanneqassapput.

(Inatsisartunut ilaasorta q Mala Høj Kuko, Siumut)

Siullermik inatsisartuni ilaasorta q Mala Høj Kuko, Siumut, inatsisartunut aalajangiiffigisas-satut siunnersuuteqarninnut qujanaq, imatullu Atassummiit oqaaseqarfigissavarput.

Nunatta kangiani aalisagarpassuaqarnera qangaaniilli ilisimaneqarluarmat, inatsisarni oqaluttarfik manna atorlugu, ila Atassummiit qasseriarlutami Nunatta kangiani, piniartuunermiik aalisarnermut ikaarsaarnissamut aqutissiuussinissaq, nunamilu tunitsivilisoqarusunnigippat, umiarsuarnik tunitsivilisoqartariaqartoq.

Nunaqarfiit ilaanni tunitsivinnguaqarneq naammaginatigu, 1900-kut naajartorneranili aalisarnermut ikaarsaarnissamut ESU aqutigalugu aalisariutitigut umiatsiaqqanillu tapiissuteqartarnerit Atassummiit tapersersugarisimavarput.

Illami inatsisartuni ilaasorta qatinut. kommuune-milu ilaasortaaqataajutigisunut Tasiilami nunami aalisakkanut tunitsivilisoqarsinnaanera angorusukkaanni, RG-ip namminersortulluunniit nunaminertamik qinnuteqartoqarsinnaaneranik imalimmik kaammattuuteqarsinnaaneq pimoorun-neqartariaqartoq.

Taamaliornikkummi Sermersuup Kommuunea qinnuteqartoqarpat, Naalakkersuinikkut aalisarnik-kut aningaasarsiornitta suliffissaqartitsinerullu siuarsaanissamut oqaluinnarani pilersitsissaagut. Nunatsinni aalisariaatsit ilaannut ikaarsaariaqartoqarmat eqqaamalluarpara, aalisartut ilaanniit Island-imut tunisassiorusuttoqartoq ajornanngitsunnguamik takorluuisoqartoq.

Island-ili nunaminnut avataaniik isumaqatigiissusiortoqarsimatinnagu eqqussueqqusinnginnertik sakkortuumik atuutsikkaat ilisimagakku, Nuummi Island-ip aallartitaqarfeqarnerat eqqaasissutigalugu kaammattuuteqarpunga, Island-imut tunisisinnaanermik pimoorussigaanni isumaqatigiinniartoqartariaqartoq taamaaliortoqarunanngilarli.

Island Savalimmiullu qanitatsinni pingaartumik Nunatta kangiani annertuumik aalisqaqaanissamut imaluunniit killeqarfiliunneqarsimasup killerpiaani, annertoorujussuarmik ilaatigut markrel-inik aalisarput avammullu tunisassiorneratik aallullugu.

Atassummiit nammineq nunami aalisakkanik tunitsivitsigut Tasiilami Illoqqortoormi-uniluunniit pilersitsiniangikkutta, inatsisartunut Naalackersuisunullu oqariartuutigisarpa, suleqatigiissinnaaneq pilersitsisinnaanerlu aningaasaleeqatigiissinnaaneq siunertaralugit saaffiginnittoqarsinnaanera ammaffigineqartariaqartoq.

Nunarput, Island Savalimmiullu inatsisartuinik suleqatigiiffeqarpugut, pitsassuarmillu suleqatigiit-tarnerput annertusartuarnissaanillu siunertaqarfiusumik. Sooq taava nunat suleqatigut aalisakkanik aalliinnartartut aningaasarpassuarnillu annissuiinnartut uparuartuutiinnarata, piffinni assigiinngit-suni nammineq tamakkiisumik pilersitsiniangikkutta, aningaasaleeqatigiissinnaanerput ilaatigut nanisagarput, atorreqarsinnaaneranut qanillattorsinnaassanngilagut.

Siunnersuuteqartup Mala Høj Kuko-p tungaviatigut Naalackersuisut peqquneqarnissaanik anguni-agaa Atassummiit soorunami tapersorsorparput, ataatsimiititaliamullu susassaqaartumut ingerlatinne-qarnissaa inassutigalutigu. Aalajangiiffigisassatut qulequtsiussap aappassaaneerisoqannginnerani imminut ataqatigiinnerulernissaa ilanngullugit nalilersorneqaqqullugit.

Qujanaq.